



Šokantna reportaža italijanskog novinara o švercu oružja

# Lukač: To što je kupio dvije puške ne dokazuje ništa!

Luidi Pelaca doputovao u Sarajevo kako bi pokazao „lakoću kojom potencijalni teroristi ISIL-a mogu nabaviti oružje i prebaciti ga u Evropu“ • Mnogi su snimak ismijali


Intrigantna reportaža italijanskog novinara Luidija Pelace (Luigi Pelazza), u kojoj je i snimak na kojem se vidi kako on kupuje oružje u BiH i dalje ga krijumčari u EU, izazvala je brojne reakcije. Direktor Federalne uprave policije Dragan Lukač kazao je za „Avaz“ da ne postoji nijedan dokaz koji potvrđuje tvrdnje novinara u toj reportaži da je „BiH logistička baza za terorističke operacije ISIL-a u Evropi“.

## Loša gluma

- To što je on navodno kupio dvije puške u BiH ne dokazuje ništa, a naročito ne navode koje je on iznio o na-

## SIPA vrši provjere

- Službenici Državne agencije za istrage i zaštitu (SIPA) raspoložu navedenim snimkom i po uputama



Testiranje oružja, kako je novinar naveo, negdje kod Mostara

bavci naoružanja za terorističke napade ISIL-a po Evropi – naglasio je Lukač.

Dodao je da će pripadnici Odjela FUP-a za terorizam pregledati ovaj materijal i ako ima zakonskog osnova za mjere u smislu

Tužilaštva BiH, u skladu sa svojim nadležnostima, vrše određene provjere – kazali su nam iz SIPA-e.

nećije krivične odgovornosti, poduzet će ih.

Luidi Pelaca, novinar popularne italijanske emisije „Le Iene“, uradio je reportažu o kupovini ilegalnog oružja u BiH, a prikazana je u programu „Italia 1“. Novinarski prilog pod nazivom „Gdje ISIL kupuje oružje za napad na Evropu“ izazvao je buru rasprava na italijanskim društvenim mrežama, a veliki broj osoba izrazio je sumnju u prilog koji u nega-

tivnom kontekstu prikazuje BiH kroz priču koja se čuje dok novinar putuje našom državom.

Ipak, većina onih koji su pogledali snimak ismijali su ga i uporedili s lošom glumom pripremljenih glumaca, a većini gledalaca posebno je zasmetala rečenica kojom se novinarov domaćin pohvalio kako njegove puške postižu cijenu od dva kilograma kokaina po komadu.

## Prešao granicu

U jednom trenutku vidi se kako novinar kupuje staru vojnu pušku od nepoznatih osoba, „negdje sjeverno od Mostara“. Preciznost oružja isprobao je na lokaciji udaljenoj 15 kilometara sjeverno od grada. Pušku je platio 75 eura. Pelaca je pregledao i mitraljeze, automatsku pušku AK-47, ručne granate i pištolj, a neke od njih navodno je i kupio.

E. HALIMIĆ